

徐
文
長
逸
稿

徐文長逸稿卷之二

張汝霖肅之父

山陰

王思任季重父

評選

張維城宗子父較輯

七言古詩

鴻臚篇

爲陶翰君壽其尊嚴

鴻臚翁本瀛洲客，朝朝謁帝飛雙舄。方朔由來侍漢廷，子真還自棲仙宅。翁家甲第郡郊東，高門容車人紫空。炊烟不散千門遶，貴秩何多萬石同。更有三雛搏六翼，大宋小宋尤難得。小宋已作玉堂人，大者行

登金馬藉玉堂清切儼神仙章服從來蔚且妍承封
自感君恩重乞典懸知子道全聞翁始生在京邸司
馬方居青瑣地翁父先給諫官至侍郎只今回首六十年承封
復在燕京里此生此宦此承封初夏初過初度逢都
門送別羨疏廣名山訪道隨葛洪鳳子麟孫天所授
恩波蕩蕩偏垂後他年玉帶束緋袍還挂翁身爲翁
壽

葵陽篇

中舍呂君

相公植忠孝傳家惟兩字辟彼橋樹枝垂蔭南山桂

南山文梓千雲材，鳴珂出入向金臺。殿中仙翰乘春
酒，池上新詞對月裁。自抱孤貞誰共說，種葵廣署紛
成列。葵花向日有時紅，臣心戀主何年歇。舒傍堯階
冀共芳，移來漢圃芝同茁。會稽野人方食芹，欲獻徒
令笑迂拙。

送章君之海寧教授

大暑之頭小暑尾，蛟龍忽帶風潮起。沃焦斜立水倒
流，海外魚蝦跳城市。乾坤非人誰料理，無一不是秀
才事。君今挾帳海寧去，壞屋荒田應墮淚。

瀛洲圖

瀛洲自是神仙住，誰將筆力移來此。碧瓦長欄十二層，紅雲斷岫三千里。碧瓦紅雲縹渺間，令人一望損朱顏。當時文采琳瑯重，今日青紅圖畫殘。畫史一人間立本，筆底不訛笑與哂。窄袖長袍十八人，面面相看燈捉影。後來界畫始何人，豆粒作人馬成寸。却疑此是李將軍，燭暗酒深何處問。

若耶篇

越人住杭

十年老交若耶子，好摘荷花蕩秋水。相逢綠浦採蓮

娘相揖金鞭馬上郎。廻舟搖漿出浦漫。驚起鴛鴦紫
蒲亂。茶烟半裊鯉魚風。筆采欲攪雁邊虹。此時邀我
題詩去。寄與前舟小袖紅。每夏每秋每及春。貪賞風
光亦可人。誰知一向錢唐去。溪畔風光移別處。題詩
作賦人俱散。醉酒賞花客不聚。近聞縛條待長官。海
上風烟日日飡。旌旗百隊魚鱗甲。劒戟千層燕尾干。
去年海上寂無耗。長官亦向蘄州道。烏靴却踏栢臺
霜。素牒亦高栢廨牆。若耶西湖兩無主。荷花蓮女遙
相望。只應千載垂烏帽。歸來白髮學年少。不放荷花

一日閒重理當年愁莫笑。

古意 眼中悲濶九陌十二樓俱覺一時低暫。
長安古道覆垂楊。塵起金堤白日黃。小隊晴原臂海
鶻。錦雌春草啄山梁。相要拜母爭相拜。若箇當權助
若當。舊虎成來新虎搏。古來何海不栽桑。

送鄭主人

西湖二月雨初霽。桃樹着花柳含絮。主人東帶復纓
冠。走向轅門領書記。番夷鉄銃葱葉薄。火機纔發龍
吹電。傳向中華能幾時。塞北遼東那得知。天王取以

威北虜、自非巧者其誰爲、主人舊領軍中作一擲、黃
金重然諾、能令節使生顧盼、每在公庭言錫爵、卻以
主人應所求、萬里香風撲金絡、

二峰篇贈錢塘陸宗禮

南高峰、北高峰、遮空矯翼非一鳳、夾江赴飲馳兩龍、
此山何年別天目、卻走錢塘宛相逐、瑞靄朝朝鬱以
芴、秀色家家紛可掬、陸生年少氣逸群、結屋兩峰高
入雲、讀書不能耐、石牀冷、攘臂欲取朱袍殷、蜂下曾
經駐鸞輅、青松十里栽南渡、靈氣不磨鬼所護、文章

要使江山助

短褐篇送沈子叔成出塞

短褐不掩胫，仗劍赴遠道。一夕度重關，春郊哭芳草。
芳艸碧色黃，河波王孫不歸愁。奈何當時洒血向何
地，歲月今已三年多。萬帳叢中拾遺骸，胡人悲號漢
人擗羈魂。何用束榆皮，男子從來收馬革。憶昔何人
正當路，若翁上書凡兩度。請纓直欲係單于，借劍親
將斬師傳。聖主如天萬類容，奪官謫向邊城去。曹
操沽名不殺賢，終付禍衡與黃祖。黃祖曾操江夏符

薊門今亦近穹廬。逐臣猶自懷孤憤。結客邊庭欲破
胡。胡騎南來塵拍天。漢兵漢馬踏成烟。漢吏愁將伏
漢法。漢首函將虜級傳。將函漢虜潭間事。傷心忽墮
孤臣淚。飛書直是罵韓門。散金况復埋殤士。埋殤士
罵韓門。君不殺人。人殺君。青天颯然白日昏。浮雲作
雨。有時晴。只今萬方仰聖明。子出北塞。予南征。爲
傾斗酒都門外。篋裏龍泉幾度鳴。

三公柱石篇

雲中秋色明如畫。胡兒貢馬臨城下。卻言太師今者

誰令公姓賈家遵化辦椎萬帳聞姓名免胄蹲靴不
敢聲從今款段誰將市縱有驛畱匿不成令公威名
有如此茂齡甫躋四十四中朝柱石自擎天北門鎖
鑰宜強仕古有夢松者十八而爲公榮華何太早桃
李爭春風令公黃髮會有時此際凌烟畫未遲進賢
高冠如覆箕

橫山黃伯子持圖索題 初體

一生紗帔罩烏巾二女明粧坐繡茵樹底几層猶未
發艸邊排槥已攢鱗持此佳圖今書此疑是東山

氏之猶子、揀持二女、竝叔安、將渡淮、淝來賭墅、主人
向我捧一尊、謂此比較言不倫、此圖乃卽是其身、身
住暨陽之邑、橫山之村、少泉先生是其父、星文姪駱
先生妻以女、身爲乃祖千頃陂黃叔度之孫、少而狗
齊、長而辭乃岳、其耽隱而自逸、氣飄然凌雲、

過項羽故宮 中有高論

黃樓西畔、徐州治、西楚當時作都處、尚餘一半、長荆
秦、今作州、倉積官米、伯圖已自足、奢豪正好將金貯
阿嬌、如何、拓土爲宮室、不及咸陽、一夕燒、豈是鑒秦

卷二
等殷夏或因爭戰無閒暇一朝淚盡帳中人千古波
沉臺上瓦獨破秦師無一人親將隆準放鴻門英雄
絕世無等倫牧羊之子一豎耳誰遣黃袍擁在身一
爲放弑蒙惡名總有奇勲不可贖黃鬚判吏持大獄
噫嗟二每當讀史爲三覆

太真早起圖

省郎寄題

作長吉是當家

春寒乍入春衫薄。醺醺帶損胭。旨。斲綠雲香重不勝
梳。昨夜金鈿爲誰落。郎家托鯉付教題。粉肥玉膩知
爲誰。正逢畫史來相促。說是楊妃睡起時。

鰻井

腹雄尾逸

二

飛來山上西厓水。竅眼彎環繞。一咫尺。蹄小應知非虎。
跑手掬聊堪洗牛耳。丘尼作隊罷然香。刺指猶能接
線量。俯仰不愁官導落。依稀似放轆轤長。疇知此井
深難測。疇知箇是靈鰻宅。金光抽線等蟾酥。銀竹翻
盆救龜折。有時緣壁上浮屠。白肚藍鱗攪柱簷。昨來
豈是褻神降。今去寧非孔甲逋。金山詒黿。黿宜不來。
靈鰻一去。竟何嫌猜。伊誰下石。於井之中。尾傷不掉。
令子不終。三年乾漈。食人肉。今年小漿湖波。澌菜花。

黃麥苗綠

某子舊以大癩十箇來索畫久之答墨癩一臍

松根醉眠道士一幅

首篇末三句是隱語

十臍縛蘆大如箕送與酒人可百卮答一墨臍苦無

詩欲拈俗話恐傷時西施秋水盼南威樊噲十萬句

到幾時

奴師陸羽茶鋏三五枝

賦得片月秋帆送馮叔系北行

秋帆一幅隨高雁長安片月相思見茭菰十里送君行
揆枕未開淚欲傾燕都我曾遊幾度悲歌饌酒時

無數易水荆軻不用求。擊筑一聲寒。雲流寒。雲流秋色裏。望諸一去三千年。高臺黃金今亦地。羨君持管復能書。諒君彈鋏食有魚。大道朱門天外起。長堤駿馬柳中趨。柳中天外鳴孤霍。長笛短簫斷復作。此時爲憶越山頭。小肆高窗同夜酌。天目高峰六千丈。陪余一柱青藜杖。飛瀑能爲疋練長。古藤復向迴溪漲。迴溪疋練有時休。二十功名正墨頭。你今有術可干祿。我已無相堪封侯。秦山人號冰王飛雪哦詩清。簌簌昨宵一爲泛湖船。今日何當別遠天。種得梅花三

百樹望爾早歸抱賡雀底眠

送王君恤刑江北

字和

鳳城春上垂楊色使君將春往江北是誰匝網密如
雲帝遣爽鳩放屏翼陛辭纔罷卽登車有如西水救
東魚都門送客追難及逕指飛塵與雁俱

送內兄潘五北上

去年八月吾入科二妹開帷送五哥今日五哥復北
上房空鏡暗餘輕羅二月梨花幾樹雲九曲黃河千
尺波忽然念此杳如夢落日當缸烟霧多

沈小霞梅爲姪良甫題 亦自落落

刑部天津住沈郎歸來上塚持羔羊梅花雪後春無
數。栢樹風前淚幾行。我家阿咸之大父。往年作官亦
刑部。常捐俸錢買丹青。阿咸風味似乃祖。沈郎放筆
梅幹古。擲筆了不索阿堵。

題內兄家所藏畫鹿一篇

時予遊武夷寓其驛署

青春手綰驛堂綬。購得名畫滿堂後。取將麋鹿障前
庭。寒流迸落孤松吼。憶昨我從武夷來。此中泉石彼
中有。入門向壁寒色高。卻步猶疑九曲走。此景固是

九曲奇。此鹿還得千齡壽。兩角珊瑚映紫茸。一身雪
片凝黃耆。猶記曾牽太乙車。何須驚顧咸陽狗。看罷
已舒羈客愁。况復山花發。函牖撫几轉呼庭上人。爲
取銀匙傾百卣。知君本是曠蕩流。懶束帶鉤事官守。
正如麋鹿困樊籠。終想長林悅豐艸。

四花圖

余君索題賀
孫翰君初嗣

蘭條芝蓋垂芳遠。桂子榴房結實長。遶砌皆爲謝氏
樹。依庭共擬賈家郎。玉堂今夕生麟子。畫史將圖聊
志喜。廣眉秀骨畫俱能。欲畫啼聲那得似。

醉歌贈姚崇明公

春野山人性頗恠，海縣爲官懶束帶。
卻籠隻雀便歸來，客來放雀青天外。
家近城南一水橫，正如玉帶遶腰身。
不須黃橘取封君，他日榮華總如此。
莫忘頭上烏角巾。

題王簑江繪事壽劉夫人六十 別能自恣

君不見簑江子，釣魚穿柳遶溪水。
美花春蝶嫩須黃，古木寒鴉夕陽紫。
事事無不收畫裏，王家大甥歸自燕。
記得大姑花甲旋，百歲今始六十年。
卻邀簑江子。

行次長遠
令畫黃萱夾紅藍大椿從傍拔雲起，直接蓬萊三萬里。
阿姑身姓陳，阿翁水澄之劉階縉紳。劉綱元是天
上之仙人，阿母乃其配。寧得不雙舉而齊升，二字寧
馨兒蘭垂玉。今芝朶雲爲捧小圖，醉青春。母不怒兮
翁欣欣。

除夕通宵飲吳景長宅時久繫初出

吳家兄弟解留客，鎮江窩笋櫻桃干。飲我金杯三百
斛，五更漏轉猶未殘。我繫六年今始出，寶劒一躍豐
城寒。登樓忽見梅花發，時有春意來珊珊。醉餘皓首

衝泥滑欲跨白馬呼銀鞍

八月十五日映江樓潮次黃戶部

魚鱗金甲屯牙帳翻身却指潮頭上
秋風吹雪下江門萬里瓊花捲層浪
傳道吳王度越時三千強弩射潮低
今朝筵上看傳令暫放胥濤掣水犀

陸御史母生辰

華亭人

白玉樓臺十二重金光靈艸駐顏紅
西池阿母誰能似有子華亭陸士龍
長安盡避青驄馬惠文高冠立柱下
黃金爲壽非所歡錦屏一幌吳生畫

徐文長逸稿二卷

徐文長逸稿卷之三

山陰

張汝霖肅之父

評選

張維城宗子父較輯

王思任季重父

五言律詩

答沈嘉則次韻

桃花大水濱茅屋老畸人
況值花三月真堪酒百
何錢將掛杖瞥眼忍辜春
早識佺期過琴囊借貼沙

喜雨次陳伯子

圓壺澆不活客至罷鵝蒸
翻盆只一滴起死折三肱

稍喜疏堪摘。惜無禾可登。猶勝往年糴。半斗百錢馮。
再次陳大喜雨

苦旱竟三旬。甘霖解百蒸。叫狂饒杜甫。被冷快姜肱。
河流仍活活。場杵預登登。喜雨亭如在。詩人想一馮。

梅雨幾三旬。陳君以詩來慰答之。次韻二首。

每歲

梅天股瘡幾廢步。貧惜費且好飲。便以燒酒當藥。希燥之也。麴芎治水病。出左傳。

一雨從端午。羲衙故不開。間間龍黑背。衫襪爛紅苔。
麴芎失早辦。火醞且宵杯。雨股粗如斗。扶筇接往來。

其二

梅雨天何劇。炎花百不開。蜻蜓紅作暈。瓜瓞綠崩苔。
蕩甚愁驚掌。酥將及瓦杯。少陵亦多事。新雨望人來。

謝鍾君惠石埭茶

杭客矜龍井。蘇人代虎丘。小筐來石埭。太守賞池州。
午夢醒猶蝶。春泉乳落牛。斟之堪七碗。紗帽正籠頭。
海雲次子後其弟海洲死分韻索挽

五燈留妙偈。百傳讀高僧。並掃存亡幻。無非傀儡棚。
一靈仍蝶蠓。百悶付觚楞。肯共歐兒語。年年訪越崢。

巾側玉蟬

玉蟬誰作偏。取飾髻眉稍。有夢酬黃雀。無心伴紫貂。
我巾雖可歇。采線縛難遙。何日當飛去。長鳴舊柳條。

中六字爲潘伯子賦

時新起北樓

別字美河陽。韋編選卦良。卦雖分六斷。美只在中央。
戴海勅鰲黑。浮天大卵黃。北牕新築就。高枕晤羲皇。

詠吳峯

詠號當宵燭。悠然上海蟾。

作詩時
實景

歷歷千尋削。蒼蒼

一點尖。霧中藏虎豹。雲裏柱東南。吾將來卜築。隣舍

定無嫌。

磁盃浸櫻桃花不五日落盡弔之其感頗深
櫻桃花一盃蜂子遶吾廬嬌來纔欲語落快止留鬚
愛妾霎換馬尋梅枉貰驢向來千樹雪得見一枝無

賦得梅柳渡江春

梅柳亦何知東皇日夜催難辭萬里遠都向一江開
粉黛弄未歇凋傷倏已回猶能勝橘樹福性不逾淮
賦得梨花一枝春帶雨

長干伎爲客留信宿欲歸而啼令嘲之

阿嬌不含笑西子却宜顰臉濕雙啼玉花滋二月春
拭鮑堆翠袖溜粉亂朱脣欲得千金倩還渠桃葉津

送箕仲北上追敘三江觀水之事

詳見七律與客觀水二篇

毫穎每秋鳴，今年始占名。方迴臨海鼓，轉拔渡江旌。
關馬拋繻入，官鷺踏杏聽。殿前如作賦，猶是瀉瀉聲。

余君往靈壁許我以石故菱囑之

聞君靈壁去，取石泗濱泓。鮮雲割浸裏，妙響提手中。
言歸不出月，一路自槌風。好琢湖菱樣，提來掛碧空。

送某先生之南樂

山陰學師○鴻溝其境也

南樂成遠別，西郊聊暫留。迴裾愁馬帳，抽筆指鴻溝。
我亦殮芹輩，今爲落葉秋。臨岐不相送，江上水悠悠。

風雨同沈嘉則輩集金氏牡丹園

海上來相知，名花集此時。
欄干鳴屐齒，風雨亂胭脂。
濕蝶來何重，殘燈去未遲。
海棠零落盡，猶可照垂絲。

訪王山人于吳門

飯我直用兩小魚

十年多患難，此日一牽裾。
幸見清霜委，難辭白髮俱。
半生三四見，妙近晚飯一雙魚。
復作匆匆別，臨期各黯如。

除夜之作兼答盛交甫殊仲玉贈篇

庚午也時客南京

野田黃雀羈，脫網任翻飛。
安得當今夕，言棲必故枝。
夜深猿自換，廚靜鼠隨嗤。
特取佳篇誦，青絲了一提。

上谷仲秋十三夕袁戶部雷麻兩總戎許口北
諸公邀集朝天觀

桂影漸能盈、松壇賞不勝、朔塵終夕斂、邊月倍秋明、
投轄馮車倚、歸鞭信馬行、忽思王子晉、客帳夢吹笙、
竹樓篇爲陳戚晚

江南多此物、今亦盛燕幽、不問隨人看、收青別起樓、
削皮作冠子、攬簪裹書籌、固是塗椒裔、終知修禊儔、
俞將軍所晤楊鹽城

使君南海雋、鐵面紫髯修、獨領烟波邑、長懸魚鱉愁、

雙鳬將紫氣。一葉渡淮流。邂逅將軍宅。離觴盡日浮。

送郁車駕

兵部有鄭君司職方能忠告掌舟騎一不假人有持守可師法者也故及

之

駕部之官去。涼風五月初。行街雖匹馬。呵客最南都。
經略高皇帝。箴規鄭大夫。樓船不借客。青雀滿江湖。

抑何容與

元旦買得玉魚自佩

玉魚小指長。買佩及青陽。寄書衣帶裏。流水袖中央。
皓鬣迷濤雪。銀鱗砌夜光。騰空會有日。烟霧起羅裳。

送歐評事使君之南王主事

每流矜色關聲之病

憶昨多難日。多君爲解圍。誰能印。卽棄所貴。矢頻飛。水部梅花館。江亭燕子磯。秋來濤白處。到卽幾行題。

送許職方出知建昌

時有一布衣在其齋職方亦好玄故結句云

廿年纔出守。曾不見幾微。入署籌戎馬。歸齋禮布衣。夏官征火月。榴影臥銀鞵。定得麻姑信。潯陽亦鯁飛。

送呂中甫之潞

半生游王門家有小閣曰金鷄亦山名也

蒯緱三尺強。十載九離鄉。長裾老。辭客雄。風美大王。騎驢上黨道。挾瑟趙家倡。枉却秋。橙。色金鷄關上黃。

新歲壬辰連雨雪十八日老晴袒而摸虱

齷齪幾王猛。愍癡更孟嘉。賀年辭雨雪。向日捉琵琶。

北夷見南人衣虱目之曰琵琶蟲

許物亦堪粧翠羽梅花鳥紅糟蘆葉鯊對之堪

一斗坐落晚天霞。

約游道士莊

卽席訂賦

日斜魚聚沼。夜永燭重燒。今夕旣相約。明晨不待招。
湖濶馮雙槳。春闌謝半桃。指點季真龕。茶烟久罷飄。

讀淮陰傳

展也大英雄。從龍起漢中。從容出勝下。談笑取山東。

所短圖鍾離何須悔荆通白圭蒙此玷磨不問南容

孝子詩

臥病十經春毛錐久不親偶然逢孝子忽復作詩人
椿樹迎從楚菱花聖過秦舊廬仍基側雪兔幾蹄馴

雨後觀南鎮兩瀑

西南者瀨瀑更雄

鎮口東西瀑微流不快人如何一夜雨便作兩虹蜺
驀地許到海從天且瀉銀龍湫吾老矣說著尚津津

野豕

宜鎮將鵠一御史令營參故虜馬孔英傳
得之故戲以日碑比三四轅固彭生事五

六以獸脂多祇而彌脆其致針中此七八謂
余今穀菜且斷矣況豕葷乎鵬胡兄李廣傳

謂用鵬翎矢
而射者也

誰獵野豨歸鵬胡此日磔轅生老難刺公子立能啼
所貴膏彌脆何由噬免臍野人渾絕粒一丈長青藜

哀周鄭州沛二首

美玉瑕何害揮金橐爲愁世虛繩禮法誰洵賞風流
朱夾佳公子青門老故侯子長若個是一節幸相收

其二

暮從皆王謝而翁更藻觚五言曹父子千里阮駟雛
轉蕙魂應住長楸哭尚逋少陵不相送非與鄭虔疎

夕霞二首

榆。際。截。青。冥。長。天。半。所。經。爭。收。虹。後。雨。倍。近。竺。西。明。
紅。袖。朝。金。母。彤。旗。衛。玉。京。峨眉一國婦濯錦晒青城

其二

誰。遣。片。霞。紅。千。奇。幻。一。風。松。膠。詔。妾。剪。犀。彩。粵。燈。烘。
河。鼓。流。天。錦。濤。箋。寫。斷。鴻。馮。教。裁。一。段。衣。帔。老。龍。鍾。

晴二首

會。稽。滄。海。國。苦。雨。快。茲。晴。魚。鱉。晞。暄。瀨。鶯。鶯。滿。大。清。
虹。垂。乾。一。壑。風。掃。出。孤。城。數。到。龍。山。節。長。房。謝。竺。登。

其二 以真素佳

一潦群黎怨，纔晴百物歡。人心苦無足，天道亦誠難。
嫩曝移半榻，壞衣堆一竿。荒園新落葉，掃付茗爐乾。

楊梅

餘姚燭溪湖者佳至越必由東關占西域謂漢使葡萄等也木難夷珠也

湖水燭溪環，楊梅爛木難。白眉占西域，紫氣滿東關。
掌露千丸飽，江萍一斗翻。荔枝吾記得，只在鴈行間。

某姬索詠鄰婦度尼

聞爾鄰佳媳，經堂集梵僧。春雖添藥架，秋必卸瓜棚。
何計還跨竈，隨時且摸楞。愁雲能引淚，莫上最高峰。

止楓橋路汝誠樓值生辰却贈

來此游五洩逢君三十辰。青袍雲氣動綠袖。雨花津地迴靈無盡。溪長物有神。君看苧蘿女。豈是里中聲。

題王氏壁

介亭兄弟並耽二氏之學時遠舍大水渺無畔岸

菊蕊已落粉枇杷未著花。因疎秋色滿湖濶。暮烟賒魚鳥聚一水。瞿聃豈兩家。更須醅五斗。天外去浮槎。

送鄭肖龍北試

姓同昌圖

海國釣鰲客。春城飛燕時。雙花搖馬上。一日徧京師。明月連城壁。重瞳聖主知。昌圖頗清瘦。不怕賜驢。

騎

張伯子入學時其翁在都下

何事傳園內。南冠喜欲顛。通家今有子。王國亦添賢。
梅雨紅旗濕。芹風紺領圓。定過三兩日。封信到翁邊。
某觴予輩於新復之蘭亭。某至自鉛山。某至自
建陽。竝有作鉛建鄰分水一闌。

命駕皆千里。流觴復九迴。馬嘶不出谷。鳥影屢橫杯。
分水鄰封客。雙珠明月來。今朝修禊處。竝是永和才。
集路某于少微山

小槳泊青蘿。閒攜遠客過。樹深擠路窄。石澗坐人多。
高士宛長在。明星奈墮何。百年能幾許。莫惜醉金波。

贈陳明經

青袍當夏剪。丹粟在秋芳。攀折一枝好。風雷八月涼。
馬疾道不短。鯉化角偏長。尚隔兩三月。君先眉上黃。
更少顛師號

古有大顛師。君顛顛亦稀。當年曾付鉢。此日也留衣。
白拂懸牆敝。烏巾罩髮微。相過今幾日。日日醉如泥。

送某入覲

河橋發行李。一劒照青天。蓋影長川動。鈴聲大道懸。
別對奇水邦黃霸鳳。火色馬周鳶。親見屏風上。題名遶御烟。

十四年端午遼東李長公寄酒銀五兩

古人多白帽杜

詩阜帽悞也因阜頭有白字耳○管寧嘗寓遼東商冠皆縞

臥病不勝衣。遼書兩度飛。綿袍憐叔是。阜帽愧吾非。
黍縛苦無釀。金來良可揮。盡饒蒲九節。北向醉令威。

萬曆丁丑春正月燈夕後八日校趙川堡湯泉

漁中諺云山蠻不落葉地蠻湯自熱此地有湯而無艸木故云四句謂虱也阮籍云處禪之虱五句別有女堂六句古以朋者守閤今亦多用爛厓之卒臥爛閤者此水療

疾而堅立
戊卒也

山葉今何在地。湯能自溫。掛永無一樹。處禪有多捫。
煖霧溶羅。抹寒風臥爛。閣近來無戰伐。應不洗刀痕。
次許口北招集之作

常殮羞餽薄。爲客鱸魚增。菊醑醺千日。楊舟誤百朋。
鴻留泥上雪。蟲語夏時冰。蕭散真工部。何愁簿牘仍。
呼盧得彩詩

門生梅得四。予亦擲渾紅。客挈一壺酒。秋生半夜風。
月明圓玉兔。燈暗聽飛鴻。明日還高興。龍山上幾重。

其二

何因投象骨、忽得四梅花、夜景當、自入寒風、簸竹斜、
蛩低、四壁響、客大滿、筵譚歸去、天街靜、籠燈映碧紗、
盧生者地家也、復附禪太僕之徒

括蒼高士至、霞氣橐中存、青鳥兼術者、夜雪立師門、
萬壑揮如意、三車問老髡、欲窮支隴脈、一劒向崑崙、
集胡賈館請作樂山詩

大賈多買笑、惟君獨不然、朝朝上山去、夜夜抱雲眠、
阿堵雖遶榻、鴟夷終泛船、一與吾儕飲、懸知非守錢、

留餘堂詩

韓子宗贈歸安之潘印川公

築堂臨雪水。書榜曰留餘。自老豈特還三物。元希畫二疏。
世多兼隴蜀。人苦笑迂疎。不信閒軀殼。還將返太虛。
秋日王衢州公要往秦望。同言馬兩鄉薦宿廣孝寺。明日雨輒歸。連旬作炎。世界如焚。卽不能抵顛也。因呈

使君多道氣。約客上高山。一入松杉去。俄逢風雨還。
舟從樵水折。燈遶郡河灣。尚厭迎騶至。催呼啟夜關。
送丹士

相如愁病渴、韓衆與神丹、一粒投人易、千金報爾難、
飛鴻連遠漢、征馬出長安、他日乘雲去、無忘寄大還、
別羅仲文

北去無人伴、難爲孤旅情、贈我一童子、遂成千里行、
牡丹須綠葉、白壁任蒼蠅、俗諺猶如此、令人感慨生、
、諺、即、成、詩、

送小翁

斯人不可留、江上去悠悠、雙鬟飛綠霧、五月挿朱榴、
灘急家應近、愁長淚未收、越山知已夢、一夜滿嚴州、
壽潘承天七十兼賀得孫四首 四詩矯絕神

檢具高

國膠三老重。鄉齒七齡尊。寫照須眉漆。酣賓笑語溫。
續留辭沔邸。螭額滿荆門。更喜諸知己。浮觴賀得孫。

其二

宦轍經三徙。俱歌蔽芾章。歸來頭未白。眉上氣先黃。
伯子原千里。新孫必二郎。霄西霞一段。佳景在斜陽。

其三

若個不游宦。惟君盛宦游。飛龍鄉露冕。有蜨處監州。
含飴弄孫子。祭酒客諸侯。陞手天邊月。看圓百二秋。

其四

爲郡美風猷，郊行減導騶。治民間牧馬，望氣候騎牛。
孔釋送今夕，尊鱸歸幾秋。如聞靈壽杖，新刻一鳴鳩。

慕坦軒

乃翁號坦齋

一掃荆榛徑，居然安樂窩。齋軒兩高士，天地一漁蓑。
況我傷危路，因君發浩歌。橫江問津吏，何處少風波。

定所篇

戒定慧

劍珠不墮彼趣

黃鳥猶知止，吾人可不然。身心一個字，戒慧兩頭縣。
匣劍抽能割，盤珠走只圓。若教牢住著，未免墮枯禪。

陳通府歸自諸暨二首 時值冬至

士元堪別駕、難淹百里才、崔長豈自續、見短竟誰裁、
倚蓋看花去、飛灰出管來、陽春不甚露、臘月有桃開、

其二

野老出深谷、使君歸越裝、壺漿必自捧、亭柳不愁霜、
山入耶溪綠、潮流泌水長、迢迢知幾曲、不及別離腸、

瓊花館

聞道瓊花去、空餘道觀閒、祇因天上豔、不肯戀人間、
海月炤虛色、江流下碧灣、故園梅樹發、花耐雪中寒、

畫梅

麗夕上元偏。春風蕩遠天。誰將五尺雪。寫人一條絛。
暈信空中奪。香疑筆底傳。夜深縣榻冷。夢見羅浮仙。

送余君

有序

予素慕武夷之勝。因內兄潘君。丞順昌之屬。
驛藉其僕馬。往游焉。遂得友余君子順昌。一
傾蓋而語移日。嗣是數與宴談。及別復觴于
東嶽之飛閣而始去。蓋余覽名山而又得良
友。其爲喜可知矣。居數年。余君以寡知發憤。

隨買爵例當爲丞入京待選以念我故鼓棹
錢唐至山陰語數日不得罷乃徧游會稽禹
穴諸山始去此則因舊友而得覽名山其爲
喜也或不減於予之在順昌乎余君且曰吾
例得爲丞而今者龍山鴈宕之間丞且缺幸
而得補此當與君復會於名山也予曰諾是
可以別矣遂賦詩以贈而序之如此

已作仕途客相看仍道顏更期垂色綬應復會名山
龍自潭中令人從日下還知君過劒水不道別離難

一枝堂對雪

是月凡三見雪而此日獨甚興致遙飛筆不能禁

大地呈三白、小堂開一枝、樓臺住天上、鸞雀下神祈、
混混無窮處、茫茫不可知、翻思潛岳頂、仙去欲何之、

李氏挽詩

山陰周公側室

自與使君親、長期托此身、江津千里渡、官舍兩年春、
病。靨。花。銷。豔。空。幃。網。綴。塵。少。君。今。不。作。焉。望。李。夫。人。

贈妓

邂逅黃州客、言從赤壁來、珮疑交浦贈、髻是湘雲裁、
麗日香塵起、遙空小杏開、此時分袂去、何日寄書回、

送汪君修良北上

別語日將移。朱榴入酒卮。知君必有合。而我獨悲離。
彤管爲囊穎。青絲作劍維。迢迢梅雨足。津路正通時。
寄京中諸友

鄉里客燕京。無人不妙英。此方投過轄。彼或送行程。
遠道春初入。垂楊折不勝。空將數字寄。脈脈此時情。

朱四

昨夕酌水樂洞

昨宵聞水樂。今日聽鶯喉。何事朱唇裏。能爲白雪流。
迢迢涼夜永。脈脈故鄉愁。都付梅花落。梁塵遽未休。

張母 蘇人

孤節聞張母，冰霜晚不渝。他年三尺牘，茲事數行書。
掌故非功令，標毫過闔閭。恨無劉向手，列傳記全疎。
早春過顧君飲於鄰舍 君時方讀禮

相見去年頻，相過及早春。孝廉連理樹，文學石渠人。
甕柏哀中覆，江梅雪後新。清尊借鄰舍，醉我未全貧。
壽王曲阜 張殿撰婦翁也莊名六湖門有蟠槐

骨相應，願方芙蓉耐晚霜。橘租千戶俸，鷗伴六湖莊。
荆茂歡諸姒，槐繁卜二郎。乘龍方下榻，因得附瑤章。

一內史邀集王氏園亭和梅客生席上之作

園亭醉客處。歌落海榴花。櫻字穿雲亮。山眉入盞斜。
北牕涼白墮。尚饌到朱耶。楚曲誰能和。陽春本大家。

哭王文道中

壯歲喜談兵。故五六云。下脫巾衫而扛石壘山以花。又再謝鄉飲故

末句云

難免是栖栖。惟君不乞醯。饑腸寧自斷。強項可教低。
小警聞古北。高談到日西。無知信天道。伯道竟無兒。

其二

歇肉每經月。儲糧不數旬。喜花巾拽石。熟果袖分人。

祝哽虛高席、飛書謝小民、頽波誰便砥、奉石自嶙峋、

聞朱次公訃

朱善書攻二氏讀書龜山頂死時近巧夕

郢人豈易得、鹵莽宋元君、肘木今抽墓、鼻

平聲

蠅誰受

斤、與儂元契濶、於器亦為薰、何事聞朝訃、踟躕到夕

曛、

柳兄九迫以師禮

元澂

贊捧一函重、塵沾兩膝輕、向驚呼小姪、今可受門生、

霜兔當誰敢、雲龍拜我寧、放他頭地出、自古有權衡、

雪候代王子與海上、一才生張書并詩一首

此戲

效近習之語亦麻姑朱砂也

有序

序更古趣

日者滕封敗陸聚族角雄盡山戈矛白滿天地觚稜所到倖則六花鵝鶩之池軍聲渾矣素纁綺裳雌雄未決山林短褐何用纓冠而先世泛剡沙棠橈檣不存遺風固在甬東濱海正劇相思梁園之賦非子誰屬仲秋雙鯉出諸袖中以讀以觴唾壺爲缺知黃竹之必歌希瓊樹之遐寄永以爲好投之木桃

從來無此雪盡海寇來長入夜應三尺隨颼剪六銚

騎羊新白袷放剡舊沙棠。瓊樹迷天是相思。好寄將

上虞復西溪湖

縣官姓朱

歲旱災無慮。湖還續永存。他年書北史。此日儼西門。
赤蹠諸公剡。黃雲幾處村。橋門圓聽者。別紀笑言溫。
黃君書舍在委羽山洞索賦

黃巖縣故人之子

委羽本名山。尤奇是洞天。青霄去鸞雀。白日下神仙。
二酉藏書室。孤桐對月絃。古陂千頃在。叔度我逢旃。
劉老之楚

劉老云之楚。孺子贈以詩。紅藥翻紅主。黃鸝語昨枝。

絲絲收細雨脈脈了殘棋臨岐不忍別斜陽且莫西

王某部母夫人詩

太君爲壽日令子在周南長憶茹荼苦寧知奉鼎甘
孤鸞青鏡淚五鳳白頭簪同是爲王母瑤池曲正堪
鄭某部母夫人詩

郎君是鄭虔沈值奉劉年堂北丹萱麗巴西寶婺鮮
舉頭叅戴勝握手問彭錢阿母應仙侶何年凌紫烟
王某部母夫人詩

太母舊稱賢清霜一節堅孤雌寒夜老雛鳳紫霄寒

風紀千金重，天書兩字懸。今朝爲壽處，不負影梅邊。
贈錢竹坡

早歲采芹客，中年種杏人。肱今三折後，井是百家春。
長者高門席，瀟然太古鄰。何須卜長久，不朽在天眞。
贈松庵公

聞道松庵叟，栽花迷四鄰。花今饒鳥語，松亦老龍鱗。
白首緘泥垢，青春酌酒頻。仙郎叨附驥，因得頌莊椿。
鍾公子以詩贈次答之

家百官語言軟款而詩特老鍊不似其人時酒價設傳驕甚而鍾以一壺相餉

衣
裘馬行中簡如儂得豈多迷天高酒直特地挈壺過
處女柔聲氣將軍警鶴鵝那能三日響來敵百官歌
南海歐工部養子某能詩近有人持泉州尤山
人侍者詩來相示不減歐能也兼善簫姓范

氏名鹿

南海大夫歐泉州處士尤泥中雙綠髻詩伴兩蒼頭
況復簫能引如聞鳳下樓主人調笑劇那得客邊愁

送史靖江

自光祿從事拜

都城楊柳綠二月宛霏霏却綰長條別難維遠棹飛

天廚辭禁饗海色佐琴徽曾見東方朔金門割肉歸

閔封君壽詩

及其妻湖人

振木蘭溪澤泥金雪水書況逢百歲祝幸喜二人俱
柳色濃春後荷香淡夏初此時偕令子遙拜白雲廬
楊會稽公去思

一錢亦擲水三尺只鞭蒲古有劉邦伯今稱楊大夫
碑嶠生細蘚祠樹長高梧別有麒麟閣千秋仰畫圖
給事中某吳人歸壽其父

碧梧青瑣地長繫大椿思問寢恐遲暮報君還有時

洞庭當月出寒橘映霜垂定侍高堂去扁舟纔釣磯

蟬

蟬借穴於蛇壙見荀子婦旅忌食

北產更恢肥如盤尺五圍鴻門撞有盾蛇穴閉無扉
饌來蹲紫玉徹去耳青衣個物休輕食桃花結子時

其二

蜀多山遠江者絕無木產

高陽詩酒輩購爾賞懸壺月黑奔江海霜肥避鼎鑪
滌寒犢鼻短壚熱鳳琴鳴想見臨邛婦蹲鴟醉長卿

王大夫挽詩

稽齋公父

教子一經成封君五品榮牀捐大夫簣星墮少微精

移花鋤尚煖。剽酒客。誰傾。參伯奔從楚。千山猿夜鳴。
送柳九澱與黃伯大北行

公子九先生。青春事遠征。難忘東道主。再上北京城。
紅袖當壚酒。黃鸝喚友聲。唱酬誰作伴。最妙董明經。
青田湖客遺巨鯉獨酌

相遺三尺鯉。正逢沽酒歸。青田湖畔網。紅蓼岸頭磯。
留爾待斜月。飄然竟拂衣。晚霞陪醉爛。故作舞裙緋。

鈕大夫園林

按察公號石溪

前屏度白鳥。隔水敞朱扉。柳葉爲絲拂。梨花作雪飛。

羅衣烟色映寶瑟月光晞萬樹繁桃李耽游正未歸

其二

細雨作梅黃微薰帶遠芳方舟閑菡萏圓沼拍鴛鴦
帳淺鷺歌短屏深燕語長臥淹西日永起換博爐香

蠟屐

柳宗元作鞭賈說鞭本朽木糞壤爲質蠟
梘染以售其腐

冬青蟲作蠟春屐象摩牙過檻翻愁滑扶筇未免斜
寄情於木屐何似隱桃花笑向猿鞭賈黃梘借一搭

聞人賞給舍園白牡丹擬作

璧婦喪髻也見禮
○張佑裝一妓云

楊州近日渾成差
一朶能行白牡丹

牡丹紅固好、白者更丰神。風露三更、月關千幾、玉人啼
暗。髻碧樣大、酒盤銀放、取端端去。揚州道上行、

客燕者累月一遇張孺穀于市遽別

俠客悲歌地、千年喜共君。相逢渾不飲、惜別竟何云。
貂帽雙胡挾、銀鞍萬柳紛。知君飽文字、豈只醉紅裙。

園中春雪

春雪浩茫茫、羈人坐欲僵。分明落桃李、只是少芬芳。
一片淒園柵、中宵醉洞房。何心分苦樂、人自異肝腸。
雪墜片如絲者、或如錢者、皆景絕奇、因專詠。

靈雪羞常態，翻奇得品題。千絲罥數蝶，萬絮逗粗黎。
錯落真成剪，勻飛反厭齊。一生祇一見，天巧絕風姨。

几上篇

呂師翁餉以琵琶爲人所攫時翁攝縣
余在繫賦呈

鼎肉聞臺使，生魚屬校人。味珍宜染指，意到卽沾脣。
黃霸知烏攫，張湯掘鼠詢。自憐如几上，念此益酸辛。

李子遂攜已所繪圖歸陶翰撰索詠

截取何山勝，來歸尺素中。拂簾防燕子，遶座疊芙蓉。
出自游人匣，將遺大史公。瀛洲何暇景，較此得無同。
丁卯七夕謝興化公孫海門偕浩上人胡千文

餉予以繫得牛字

天上分銀漢、人間隔畫樓、併時雙眼淚、啼斷一年秋。
贈鵲金釵解、碎懽寶帶留、莫因河間住、也學禍牽牛。

答贈王山人濟川

憂世惟王子、無魚歌蒯緱、殺雞飲賢者、捫虱傲諸侯。
春雨園蔬涉、秋天劒氣浮、賜池元浴馬、認得幾驂驪。

郁穎上

五柳絲、沄沄歸來種、在門五年官不調、一點道初存。
遽別今何往、相知在論文、欲從遺匣內、一讀哭麒麟。

答贈徐君

書室宛清真，吳山正暮春。相過攜令弟，俱不是今人。
論道沿流水，彈琴坐古椿。相思不可見，歲晚隔江津。

葉泉州公挽章

公號南泉公孫息余長婦

生晚懷先達，如雲逐晚風。亭花饒舊製，祠樹拜新容。
胤有雙眉白，庭垂五桂紅。猶遺一片玉，真愧倚葭叢。

送諸翰君北上

南明

太史有光輝，移家向市叢。那能將彩筆，不去倚彤闥。
啓合香入宵，分賜食歸他年。看控馬轡影，灑沙堤。

對陽篇

余畫史索賦

郎騎有光華、鳴珂出視衙、暮歸猶捧日、朝起必餐霞、
玄圃五色鳳、丹心一支花、定須持兩物、云可竝君家、
與友人載裘餉往游西山、忽與僕夫相失、遇雨

士人止宿功德寺

寺爲

今上游幸所

客子聯牀處、君王驛駐時、艸留承輦色、樹拱向陽枝、
入夜迷山徑、逢人問路岐、阿誰能下榻、燈火傍禪棲、

弔陸靜山

獨抱古人心、芳名動武林、高談傾四座、一語重千金、

孝友傳鄉井。衣冠葬碧岑。空餘華表雀。哀怨白雲深。
望湖亭

亭上望湖水。晶光澹不流。鏡寬萬影落。玉湛一磯浮。
寒入沙蘆斷。烟生野鷺投。若從湖上望。翻羨此亭幽。

碧雲寺流觴

寺蓋張內監埋骨之所

蕭寺不勝秋。攜尊盡日游。數行依殿樹。百丈遶堦流。
蕩葉紋偏感。催觴響未收。中官泉下聽。一段御溝愁。

至夜宿香山寺

紺殿依巖匝。金題拂露明。因從月下坐。翻擬雪中行。

夜覺諸緣息，秋聞萬壑鳴。逢僧都不語，竟已話無生。

流憩亭

并來青亭俱香山寺之別景流憩有巨石一片似蝦蟆因名

山寺枕孤亭，迴裾此一登。夕陽歸數鳥，秋色遶諸陵。
氣肅巖逾峭，飈流葉屢騰。從來能涼冷，片石不妨憑。

蜃樓圖

圖中看海市，絕勝海中窺。似結元非結，如移定不移。
覺疑宵夢接，醉誤夏雲爲。蛟蜃如今見，翻嫌畫手奇。

金山寺

高渾

山寺全浮水，秋來落葉紛。經樓一海盡，僧舍半江分。

北渡維揚岸，南天建業雲。何年走胡騎，惆悵倚斜曛。
與楊子完夜話京邸

相別亦已久，相見情轉親。夜來燈下語，客裏夢中身。
掛席門停蓋，徵詞馬蹴塵。由來漢揚子，元是艸玄人。
送沈君之清江縣史

仙尉懷黃綬，言承寵澤深。欄邊行射鴨，堂上助彈琴。
臘雪融征騎，春堤弄小禽。都門將別處，柳色正垂金。
季有倫入燕

送君燕北去，別宴黯魂銷。馬頭飛燕子，堦樹滿櫻桃。

紅燭更還短。金釵舞。想嬌他年杏花發。折取最高條。
送郁宜興君北上

柳色弄新晴。春禽柳小鳴。幾宵連座語。一日拂衣行。
仗劍難爲別。鳴琴舊有聲。從來流水調。不爲世人更。
胡子德偕有倫往

王孫游遠道。芳艸日將斜。舊醉吳山月。今酣燕市花。
北程渾入柳。西馬正求茶。莫遣雙魚斷。相思歲晚加。
孫君訪余於繫

一別武林道。幾年纔見君。帆開百花雨。衣拂五湖雲。

握管梁書懶橫琴。楚淚分魯連去已久。誰爲解茲紛。

茗山篇

爲泰父

知君元嗜茗。欲傍茗山家。入澗遙嘗水。先春試摘芽。
方屏午夢轉。小閣夜香賒。獨啜無人伴。寒梅一樹花。

鷗沙篇

茂明

甕向市中隱。終爲塵外閒。尋蓑笠侶。遠結鷗鷺盟。
海樹春雲隔。江舫暮雪橫。相隨不飛去。數點羽毛輕。

送曹國博

時自紹興博而擢

國博元仙秩。明時況龍遭。能師六館士。不讓四門豪。

掃戶迎清蹕、陪旒祀太牢。今朝車馬發、郊路隘青袍。
送錢丞之沛邑

君銜佐邑命、拂曙出郇門。餞席臨花設、征帆度柳分。
歌風臺上酒、芒碭婦邊雲。千古搜遺事、應從野老聞。
賦得竹深留客處

客來何處酌、林竹靄紛紛。盡日無人見、有時啼鳥聞。
廚遙穿綠雪、葉亂掃紅裙。醉後詩千字、蕭蕭插暮雲。
送別

抽毫陪妙製、披襟穆和風。執手一爲別、灑淚流水東。

梅花弄雪影、竹葉沃春融。延佇赤霄際、黃鶴鳴長虹。
送某君會試

驛路照金鞍、微霜潤菊寒。秋風隔一歲、春色滿長安。
宮酒聽鶯醉、林花入帽看。此時催上馬、莫惜夕陽闌。
壽蒲谷方伯

紫薇行省使、綠蒲谷口人。夙有神仙氣、聊隨車馬塵。
居深山、共遠意、適艸俱春。駕崔羅浮頂、行看解事真。
元旦集丁戶部館得存字

椒候當茲夕、萍逢共此尊。江梅將鴈去、酒雪借春存。

刺燭題孤韻呼盧彩六痕客中難得醉莫怪作鯨吞
與諸君集明月菴在妓坊之南隔一垣得春字
客子多辛苦攜尊隨主人清池移席幕紅袖隔牆春
疊酒何曾却千愁不一頻但因歸去急不忍別流鶯
過沁州感嘆

一官邊塞上終日馬蹄塵路冷長逢雪村荒不見春
薄田無水稻破屋有貧民安得關中尉圖將達紫
宸

丁戶部母夫人目疾得良箴復視

戶部母夫人目疾得良箴復視
感所至

既盲而復視茲事豈非神萬鑑空青賤雙瞳小碧新
固知由國手還是本天倫母節兼兒孝能無格昊天

青白眼

古有塑佛者燒窰臥睛 裴楷

稱王戎之眼曰爛爛如巖下電

阮生醉不醒窵瓦却惺惺

音殭

解將巖下電換看世間

人自笑長門詔醉墮能言猩不着紅油屐知予盲不
盲